

哈密志卷之六

輿地志 四

疆域

哈密古伊吾廬地東至肅州一千五百九十里
至京師七千一百八十里南抵沙州西接吐魯
番東接喀勒喀蒙古部落南臨瀚海北連烏里
雅素台蒙古游牧地界哈密地勢東西寬南北
縮南北相去三百二十五里東西相去七百八

十里

東界自城至星星峽界牌共五百五十五里自
哈密城東行七十里至黃蘆崗東行轉東南四
十里至四十里井子又行三十里至長流水又
行二十里至滴水崖井子又行二十里至沙梁
子又行三十里至格子烟墩又行二十五里至
紅山嘴又行十五里至紅山子又行二十里至
天生墩又行四十里至大石塊其上刻東西南

北路程里數又行四十里至苦水又行五十里
至肫膀井子又行三十里至沙泉子又行四十
里至小紅柳園又行二十里至星星峽山口入
口又行二十五里至石山坡子過坡又行五里
至星星峽台向東又行三十五里至交界牌東
為安西州界

東南界自城屬哈什布拉卡子共三百一十里
至大泉接沙州界

南界瀚海一百三十里自哈密城東門行三十
里至火燒庄子又行四十里至哈拉塘子又行
四十里至南湖又南行二十里至瀚海邊

西南界至三間房西七十里沙坡子共五百一
十里自哈密西門行七十里至頭堡又行二十
里至二堡又行四十里至三堡又行二十里至
柳樹泉又行三十里至沙棗泉又行二十里至
鴨子泉又行四十里至梯子泉又四十里至瞭

墩岔路向西南走七十里至梧桐窩子又行
九十里至三間房又行七十里沙崗子有石界
牌西南為吐魯番界

西界至芨芨槽子卡共四百里自城西行七十
里至頭堡又行二十里至二堡又行四十里至
三堡又行二十里至柳樹泉又行三十里至沙
棗泉又行二十里至鴨子泉又行四十里至梯
子泉又四十里至瞭墩向西行八十里至一碗

泉又行四十里至芨芨槽子乃小路今則禁止
不准人走

西北界至肋巴泉界鄂博處共三百六十里自
哈密西門行七十里至頭堡又行二十里至二
堡又行四十里至三堡又行二十里至柳樹泉
又行三十里至沙棗泉又行二十里至鴨子泉
又行四十里至梯子泉又四十里至瞭墩轉北
七十里至橙槽溝又十里至鄂博處為界再西

北二十里至巴里坤所屬肋巴泉

北界上天山至柵門口界牌一百九十五里自
哈密城東門行二十里至糜地頭地方又行三
十里至三道濼壩又行三十里至黑帳房地方
又行二十里至長山子地方又行二十里至南
山口進山口上山行六里至煥彩溝又行四里
至石城子又轉上坡路五里至小羊圈溝又向
上十五里至大羊圈溝又行十里至菩薩溝又

上五里至天山頂下坡七十二轉拐灣行二十
里下至二層台仍下坡路又行五里至柵門口
再行五里至界牌西巴里坤宜禾縣界

東北界至沁城東山共二百七十里自哈密城
東行三十里至泥邱墩又二十五里至一棵樹
又十五里至黃蘆崗東去七十里至大鵝脖子
又二十里轉灣子又東二十里至鹹泉子又東
三十里至回庄子再東行六十里至沁城東山

河源小堡

